

清・唐秉鈞 撰

人參考



清·唐秉鈞 撰

人參考



太子參雖細脚短緊實其力不下大參

珠參苦而微甘宜于治火味厚体重形如茨實

防風黨參根有獅子盤頭者真硬較首偽

黨參今肆中所賣者種類甚多無所考據皆不敢用惟白黨之味雖甘甚淡功力之不及防黨可知

粉沙參出于江浙去皮淨煮極熟陰乾即名紅黨

西洋參形似白泡糖參煎之不香嚼之苦多宜于治火

北沙參色白形如戟梗鮮時折之多白汁故里人呼爲羊婆奶秋采者白而實

春采者微黃而虛小入亦每葉蒸壓實以亂人參花如鈴鐸故稱鈴兒草

南沙參形稍瘦小而短色稍黃功同北參力遙近有一種味帶辣者不可用

空沙參即蔞尾又名甜桔梗

形似于參

人參考

九

底本版框規格：長170mm×寬122mm



人參考・解題

清·唐秉鈞撰。成書於乾隆四十三年（公元一七七八年）。

唐秉鈞，字衡銓。練水（今廣東潮陽）人。

此書以『參當辨識防害』、『所產今昔異地』、『鳳凰城』、『船廠』、『臺貨』、『蘇行分等』、『蘇行稱兌』、『店家名色』、『大參邇年頗少庫貨邇年不蛀』、『收藏參法』、『防霉時候』、『同名參類』、『形似于參』、『真偽攢疊』、『諸參總較』十五論，順序介紹了人參的辨偽、產地、規格、收藏等內容。

今據清·乾隆四十三年（公元一七七八年）嘉定唐氏竹瑛山莊刻本影印。

（王咪咪）



人參考・總目

序	三二五
刻人參考序	三二六
人參考	

目錄	三二八
參當辨識防害	三二九
所產今昔異地	三二九
鳳凰城	三二九
船廠	三三〇
臺貨	三三〇
蘇行分等	三三〇
蘇行稱兌	三三〇
店家名色	三三一
大參邇年頗少庫貨邇年不蛀	三三三
收藏參法	三三三
防霉時候	三三三
同名參類	三三三
形似于參	三三四
真偽攢疊	三三四
諸參總較	三三四
跋	三三六



人參考序

甚矣印刷品之效力真有不可思議者予因刻人參考不覺重有感焉人參考稿錄自某叢書讀其原序知書本吾國所撰乃爲日本人所印行至日本人之印此書之時有見夫人參之銷行藥用日盛一日產參者惟我國與朝鮮亦在我國版圖內故彼所用之參每年必由我國輸出彼因之藉此十數員之人參考而大聲疾呼喚醒國人取法製植遂得有如今日之東洋參駕我國人參而廣銷矣近數十年且年必輸入我國而增額也嗚呼此中盛衰是豈別有故歟推厥原因要皆收效於印刷品耳是以吾儕印行社報原亦爲鼓吹我國醫藥起見然東西藥日見輸入於我國而我國何無一愛國者仿人參考而大聲疾呼之是豈又我國人別有不及彼邦之處也耶予當於是書典起我同志原我同志勉之俾東西藥亦得漸自製植或亦有駕出彼邦之一日則予之重刻人參考庶不儘禮失而又得爲幸也是爲序

人參考

序

中華民國五年十月吉生裘慶元識於紹興醫藥學報社



刻人參考序

曩者嶽父平齋君之奉命教諭鉅材於甲斐州實寬政丁巳年也先是州之府未曾有藥舍之設也君乃丐創學館聚生徒典教事且於館側賜地三千弓墾藥圃自官醫以及城市草莽之醫皆趣館而肆其業走圃以便識草蘇草蓑俱皆君登之蓋多紀永壽院之議而鎮臺永見近藤二公之所申論云當時本州業醫者皆投刺納謁爭蟻附蜩集於其門矣有神津宗益者齟齬肉帛一日來請問曰野老往寬保延享間宦於京師坊間沾得朝鮮刊東醫寶鑑一部歸舍披閱得字紙若干葉於其間以質諸人卽是彼那製人參之傳訣也嘗聞之昔豐公之征韓也先鋒將陷王城俘一書庫載歸想豈是此之遺歟先生方令創開藥圃種藝方華他日又必應植參以充世用此法若得一有用於世實野老之幸出以贈之君受而謝焉厥後召遣進侍醫叙法眼后文政己卯丐會津候得人參數十根乃依法製之又製秋田參津輕參不一而已尙且安排鍊習竟人參考

序

一

能得其要訣君嘗曰此若干葉字紙乃是吾人寶珠船而他日必應有大裨益矣後無幾果有賴此製參再三拯得兒孫於痘瘡危篤中則知君之言亦不虛矣文政己丑秋遂命試製野州參一百餘根以上進之其體之圓色之光質熟而肉潤氣味全存置諸船質上品中難復爲軒輊矣是乃予之寶以受其秘訣而常親炙製法事而所知也抑人參神草而王氣鍾靈之邦必生之其於調生養病古來無復論也但憾世未得其製法夫參而不爲參用亦徒參耳故有事輒必仰之外邦是以前年貴一年百年以來上頂者唯富貴有力家得用之如寒素貧賤者雖粗惡下等品皆不能致也劣得疑似膺物徒費餘財夫既如此則雖有真參醫亦不能親用常使其氣味效驗有時用之亦不過一些一撮之微太類小兒游戲應飯土羹以相獻酬噫嘻一杯水於二車薪何有哉是以至其使用品題等皆茫乎不分玉石徒主張藥舖妄說欺人欺己矧其收藏之不知悞事者甚多矣清唐銓青年登已有人參考之著其書特能辯地道出



山之蚤暮貨市形色之高下等歷歷可指隨至其辯行戶店家多立名稱以眩惑人者又可謂頗精且實也雖零星冊子不亦足以傳乎世人讀此畧得辯識其真贋不第不爲買豐奸僞所瞞便免於其襲燕石市禍害之誦已竊惟我日域爲精英鍾靈之地享保以還生人參沿道已夥矣若能廣製此贖於世用令醫常用而恣驅使長使人人調生養病以無憾則此書之爲筌蹄亦固所不辭也乃按此書於文房肆考中校而授梓豈文政庚寅歲孟秋東都櫟園石阪圭宗珪

人參考

序

二



人參考

目錄

參當辨識防害

所產今昔異地

鳳凰城

船廠

臺貨

蘇行分等

蘇行稱兌

店家名色

大參邇年頗少庫貨邇年不旺

收藏參法

防霉時候

同名參類

形似於參

真偽攷證

諸參總校

人參考

目錄

三

人參考

練水唐求鈞衡錄纂

紹興裴慶元吉生校刊

參當辨識防害

人參價貴我等士人寒素者多澹泊自甘寧以人參爲常食之物然或有時進以奉親有時自需調攝或入場料舉携備不時事所必有物非常用偶見難分玉石向有以短接長者謂之接貨以小併大者謂之合貨必先用水糊過原汁已出又用粉膠粘紫蒸烘做成其力薄而易變固不待言又有薄夫以參湯泡自啜乃晾乾烘燥做色復售謂之湯參究不失爲真參尙無大碍邇年價自昂貴漸致以偽雜售若不辨識真贋不第被欺誑財且恐貽害非細故特考人參之地道出山之早晚貨市之時候形色之高下毒蛙之收拾乃市肆之多立名稱以眩惑人目畧列於後

人參考

四

所產今昔異地

人參前明時心州高麗邯鄲百濟澤州箕州并州幽州嬌州易州平州並產參而上黨山谷出者爲最上黨卽今路州也太行紫團山所出者爲紫團參紫色稍扁百濟參白堅且圓名曰條參俗名羊角參高麗參近紫體虛新羅參亞黃味薄肖人形者神類鷄腿者力太高麗百濟新羅三國今屬朝鮮其參有子十月下種如種萊法春生苗多於深山背陰處初生小者三四寸一極五葉四五年後生兩極末有花莖十年後生三極年深者四極葉各五中心生一莖俗名百尺杆三四月有花細如粟蓋如絲紫白色秋後結子如大豆七八枚生青熟紅自落秋冬採者堅實春夏采者虛軟本朝獨重遼參以人參乃神草於王氣鍾靈之處生者味勝力洪故也

鳳凰城

鳳凰城貨雖地道所出不一大畧阜出白秀地鬆而瘦長者皆名曰鳳凰城土

人探取出山甚早五六月即可掘采九月買人便至蘇城開價矣故其質不堅皆由未經霜雪行根未久統貨精多熟少此種低貨惟行銷於洋廣江西一過年春風透時熟則變糙則更變爛不堪矣

船廠

去鳳凰城三四千里名曰船廠其地多巨木屋宇道路橋梁皆巨木所建相傳以開海禁時曾於是地造洋船出洋故名船廠其處二百里內外所產較鳳凰城稍堅實且紅潤可觀但其中空鬆者確不少土人并以鉛條等插內以圖利大約六七月采取出山冬初亦至蘇矣鉛條之由蓋土人採參者不過藏精於藥以充食鉛蠟貯酒以供飲酒醫即剪蠟作條以插參耳其質稍遜臺貨其價市管並驅

臺貨

臺貨者舊古臺所出之貨也地處極北去船廠五千餘里地極厚天極寒深秋人參考

五

之時霜雪即已載道總在八九月採成終方至蘇城其體質皆由地土既厚出山又甚遲晚所以堅實圓湛熟多糙少即或間有糙皮而肉必紅結并無藏鉛之弊夫鳳凰廠三處此蓋總羅大地之名而言其各有所屬一隅如老城新城等處地道甚雜稱名甚多難以盡舉產莫悉別必須憑貨品題難以懸擬大要

以色光體圓實熟肉湛四項兼者爲上耳

蘇行分等

經商至蘇在行發店其行規店規不同凡客貨到行規時主將客貨分作三等揀堅結紅大熟多糙少者名統貨其色次紅癰椒糙多熟少者名拘色又次色浮白微紅質薄肉少者加入條參者名曰泡丁

蘇行稱兌

行稱輕店稱以貨二十四兩二錢四分作一斤以行稱行貨一百換合作店平店貨六十換故交行貿易每兩作九七折作大稱算

店家名色

參至店家必逐一細揀分等次第以定價值各自多立名色取五六十名以眩人移步換形難以執論總在自己眼力辨別其曰拔頂熟紅潤圓綻全乎是肉每枝一錢至四五錢者參之最紅熟者不拘大小塘西所行故最高熟參謂之塘西貨揚州之行熟參反次塘西

統頂細紅皮肉圓湛六七分至八九分一錢者

二頂細紅皮肉或色滯稍較頂熟身瘦性六七分者

次頂細紅皮肉稍腐皺或色滯或瘦長或武相五六七分者大揀熟細紅皮肉圓湛短壯四五分

中揀熟細紅皮肉或色滯身長三四五分者

中熟細紅皮肉圓湛二三分成枝者

小熟細紅皮肉一分四五釐至二分以外者

人參考

六

條小熟細紅皮肉身長圓瘦有頭尾一分以外者

短中細紅圓湛成枝一分上下者

大修尖細紅皮肉不成枝數皆大貨枝梢修下三四釐而如戔梗粗細者其力甚薄祇可生津止渴調理常病或係苦頭上橫生者其性橫行指臂無力者宜之

二修尖比大修尖稍細形則同

太參細紅短小自成枝數比短中更小或瘦三四釐至二分外者然其短緊堅實其力不下大參

頂條細紅皮肉身細長無頭尾七八釐至一分外者

大條細紅皮肉細長五六釐至一分者

短條細紅若大條斷者不成釐頭

短丁細紅如蜂蝶足粗細者俗名螞蟥腿是也



中條細紅長短不盈寸如蜂蝶小足細者

光頂熟光潤色明如粉粧成頭尾渺無粗皮短圓文靜單枝挺湛或有旁枝而不歧六七分至一錢者

光二頂光細圓湛或稍長武四五六分成枝較頂熟少減一等

光揀熟光圓紅湛而文二四分成枝較一頂又小一等

光中熟較光揀又小一等二三分成枝者體色亦如之

光小熟一二分成枝者較中熟又下一等

光大條光圓而長瘦無頭尾一分外者

光小條光圓而長一分內者

頂兼皮形體如頂熟而有細白皮紅肉輕重同之

大兼皮形體如次一頂而有細白皮紅肉者輕重亦同之

中兼皮形體如中揀而瘦長有細白皮紅肉者輕重同中揀中熟

人參考

七

小兼皮形體如小熟而長短不分有細白皮紅肉者輕重同中小熟

頂糙形類兼皮而粗白皮頭內亦白肉不實稍頭露紅而體大質輕

揀糙形類大兼而粗白皮者質亦輕

次糙形類中兼而色滯癭長者

小糙形類小兼而粗皮者如色紅即名小紅糙體質總輕紹糙形類兼皮不拘

大小粗紅皮而有肉者紹興去路故名曰紹糙兼皮亦有紹兼即兼皮之皮紅

細結者不拘大小去路同

鳳參質大如頂揀中熟而細白糯皮稍頭有紅暈而中如敗絮者東洋必需

鑲鳳質輕大小如鳳參細白皮不糯微有鍊線紋者亦洋去白棍質益輕皮泡

色黃白不一形大如頂熟

鳳梢質如鳳參而細長如條小形者稍有紅暈可接入鑲鳳以充鳳參

片料質輕中而有肉者皮色粗細黃白不一漸人備以潮透切片質易顯似熟

